

[Augsburg], 31. Januar 1566

An Johannes Oporinus

UB Basel, Fr. Gr. I 11, fol. 281r.  
Steinmann Nr. 772.

S. D. Nuper mihi chartae aliquot Cedreni sunt allatae à Willeri ministro, quas Fuggero redderem, sine vllis tuis literis. Quod non tam miror, quām molestè fero, καταφρονεῖσθαι δοκῶν, quod mihi non videor esse meritus. Sed haec omitto. oὕτω γὰρ φιλοῦσιν οἱ μεγαλόφρονες τῶν ἀνδρῶν. Illud mea et tua multò magis refert, vt quantum tibi debeatur à Bibliotheca Augustana, signifies, et in aestimatione eam adhibeas aequitatem, quam mihi promisisti. Rationes diligentissime confectas ad te misi, teqüe accepisse non dubito. ἀλλὰ παρά σου οὐδὲ γρὺ. Nam cum alijs scribere possis, soli mihi non potes. quia non libet. Saepius enim tibi licet ad me scribere, quām mihi ad te. Vale. Pridie Cal[endas] Februarij 1566.

Hiero[nymus] Wolfius.